

Broj: 03-02-425/2022  
Sarajevo, 14.04.2022. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 15-04-2022			
Org. jed.	Broj	Priloga	Vrijednost
01,02	02	838	22

B

**PARLAMENT FEDERACIJE  
BOSNE I HERCEGOVINE**

- Predstavnički dom -  
gosp. Mirsad Zaimović, predsjedavajući ✓

- Dom naroda -  
gosp. Tomislav Martinović, predsjedavajući

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 172. stav (1) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i sa članom 164. stav (1) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), **radi razmatranja i usvajanja po skraćenom postupku, dostavljam Vam PRIJEDLOG ZAKONA O DOPUNI ZAKONA O UTVRĐIVANJU NASELJENIH MJESTA I O IZMJENAMA U NAZIVIMA NASELJENIH MJESTA U ODREĐENIM OPĆINAMA**, koji je utvrdila Vlada Federacije Bosne i Hercegovine na 311. sjednici, održanoj 14.04.2022. godine.

Prijedlog zakona se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



**PREMIJER**  
Fadil Novalić

Prilog: - Prijedlog zakona na bosanskom jeziku,  
- Obrazac broj 2,  
- Zakona o utvrđivanju naseljenih mjesta i o izmjenama u nazivima naseljenih mjesta u određenim općinama („Službeni list SRBiH“, br. 24/86, 33/90, 32/91 i "Službene novine Federacije BiH", br. 14/04, 59/05, 68/05, 81/11 i 25/12) (CD).

Cc: Federalno ministarstvo pravde  
gosp. Mato Jozić, ministar

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ZAKON**

**O DOPUNI ZAKONA O UTVRĐIVANJU NASELJENIH MJESTA I O IZMJENAMA U  
NAZIVIMA NASELJENIH MJESTA U ODREĐENIM OPĆINAMA**

**Sarajevo, april 2022. godine**

**PRIJEDLOG  
ZA DONOŠENJE ZAKONA PO SKRAĆENOM POSTUPKU**

Kako se radi o Zakonu koji nije složen i obiman predlažemo da se isti u skladu s članom 172. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08 i 26/20) i članom 164. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03, 21/09 i 24/20), razmatra po ***skraćenom postupku***.

## **ZAKON**

### **O DOPUNI ZAKONA O UTVRĐIVANJU NASELJENIH MJESTA I O IZMJENAMA U NAZIVIMA NASELJENIH MJESTA U ODREĐENIM OPĆINAMA**

#### **Član 1.**

U Zakonu o utvrđivanju naseljenih mjesta i o izmjenama u nazivima naseljenih mjesta u određenim općinama - Prečišćeni tekst („Službeni list SRBiH“, br. 24/86, 33/90, 32/91 i „Službene novine Federacije BiH“, br. 14/04, 59/05, 68/05, 81/11 i 25/12) u članu 2. tačka 43. u podtački b) iza naziva naseljenog mjesta „Putovičko Polje“ dodaje se novi naziv naseljenog mjesta „Varda“.

#### **Član 2.**

Naseljeno mjesto Varda izdvaja se iz naseljenog mjesta Briznik.

#### **Član 3.**

Gradsko vijeće Grada Zenica će u roku od šest mjeseci od dana stupanja na snagu ovog zakona, uskladiti svoje propise o nazivima i granicama naseljenih mjesta s odredbama ovog zakona.

#### **Član 4.**

Ovaj zakon stupa na snagu osmog dana od dana objavljivanja u "Službenim novinama Federacije BiH".

## **O B R A Z L O Ž E N J E**

### **PRIJEDLOGA ZAKONA O DOPUNI ZAKONA O UTVRĐIVANJU NASELJENIH MJESTA I O IZMJENAMA U NAZIVIMA NASELJENIH MJESTA U ODREĐENIM OPĆINAMA**

#### **I - USTAVNI OSNOV**

Ustavni osnov za donošenje ovog zakona sadržan je u odredbi člana IV. A. 20. (1) d) Ustava Federacije Bosne i Hercegovine, gdje je propisano da Parlament Federacije Bosne i Hercegovine donosi zakone o vršenju funkcija federalne vlasti.

#### **II - RAZLOZI ZA DONOŠENJE**

Gradsko vijeće Grada Zenica je pokrenulo inicijativu za utvrđivanje novog naseljenog mjesta Varda, a koje bi nastalo izdvajanjem iz dijela naseljenog mjesta Briznik, a koja je upućena Predstavničkom domu Parlamenta Federacije Bosne i Hercegovine aktom broj: 01-01-24158-1/16 od 06.12.2016. godine, koji je istu na izjašnjavanje uputio Vladi Federacije Bosne i Hercegovine aktom, broj: 01-02-2228/16 od 08.12.2016. godine. Povodom navedenog Vlada Federacije BiH je utvrdila Izjašnjenje V.broj:90/2017 od 27.01.2017. godine.

U zahtjevu za utvrđivanje novog naseljenog mjesta Gradskog vijeća Grada Zenica broj: 01-01-24158-1/16 od 06.12.2016. godine se ističe da su građani sa područja mjesta Varda pokrenuli inicijativu za osnivanje posebne mjesne zajednice izdvajanjem iz Mjesne zajednice Briznik. Prema odredbama Statuta Grada, mjesna zajednica se može osnovati za jedno naseljeno mjesto, više međusobno povezanih, ali i za dio naselja koji u odnosu na ostale dijelove čini prostornu cjelinu. S obzirom da je područje mjesne zajednice vezano za teritoriju koja čini prirodnu i društvenu cjelinu a ne za naseljeno mjesto, usvojena je inicijativa i donijeta je Odluka o osnivanju Mjesne zajednice Varda, izdvajanjem iz Mjesne zajednice Briznik od strane Gradskog vijeća. Građani ove mjesne zajednice su tražili i formiranje posebnog biračkog mjesta za glasanje na izborima. Rješavanje pitanja glasačkog mjesta, kao i druga važna pitanja od značaja za status građana ove mjesne zajednice (prijava mjesta rođenja, sklapanje braka, smrti, prebivališta-adrese), uvjetovano je rješavanjem statusa naseljenog mjesta.

Predstavnički dom Parlamenta Federacije Bosne i Hercegovine je na 26. redovnoj sjednici održanoj 27.10.2021. godine usvojio zaključak kojim se „prihvata inicijativa za uvrštavanje naselja Varda/MZ Varda u registar naseljenih mjesta, te zadužuje Federalno ministarstvo pravde da u roku od 60 dana, izradi i u parlamentarnu proceduru uputi Prijedlog Zakona o dopuni Zakona o utvrđivanju naseljenih mjesta i o izmjenama u nazivu naseljenih mjesta u određenim općinama“.

#### **III - OBRAZLOŽENJE PRAVNIH RJEŠENJA**

Odredbom člana 1. je propisano da se u Gradu Zenica utvrđuje novo naseljeno mjesto Varda.

Odredbom člana 2. je propisano da se naseljeno mjesto Varda izdvaja iz naseljenog mjesta Briznik.

Odredbom člana 3. je propisano da će Gradsko vijeće Grada Zenica u roku od šest mjeseci od dana stupanja na snagu ovog zakona, uskladiti svoje propise o nazivima i granicama naseljenih mjesta s odredbama ovog zakona.

Odredbom člana 4. propisuje se stupanje na snagu ovog zakona.

#### **IV – USKLAĐENOST SA PROPISIMA EVROPSKE UNIJE**

U pogledu obaveze usklađivanja predmetnog zakona sa pravnom stečevinom Evropske unije, ističemo da je izvršena analiza primarnih i sekundarnih izvora Evropske unije, te je utvrđeno da ne postoje mjerodavne odredbe sa kojima bi se vršilo usklađivanje.

#### **V - SREDSTVA ZA PROVOĐENJE**

Za provođenje ovog zakona nije potrebno osigurati sredstva u Budžetu Federacije Bosne i Hercegovine.

KONTROLNA IZJAVA O PROVEDENOJ PROCJENI UTJECAJA PROPISA

Kontrolna izjava o provedenoj procjeni utjecaja propisa		
Naziv prednacrt/nacrta zakona	Nacrt zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama	
Datum	31.01.2022. godine	
Kontrolno područje	DA	Obrazloženje Ureda
<b>AKTIVNOST</b>		
Naziv prednacrt/nacrta zakona je naveden i razumljiv	DA	
Naveden je naziv i kontakti obrađivača	DA	
Naveden je datum	DA	
<b>DEFINIRANJE PROBLEMA</b>		
Problem je jasno i sažeto objašnjen	DA	
Ciljevi su jasno i sažeto objašnjeni	DA	
Očekivani rezultati su jasno i sažeto objašnjeni	DA	
<b>KONZULTACIJE</b>		
Zainteresirane strane su jasno definirane	DA	
Proces konzultacija je jasno i sažeto objašnjen	DA	
<b>PREDLOŽENA RJEŠENJA</b>		
Predložena su normativna i nenormativna rješenja	DA	
Definirani su rizici predloženog rješenja	DA	
Definiran je utjecaj rješenja na proračun	DA	
Definiran je utjecaj rješenja na gospodarstvo, društvo, okoliš, te održivi razvoj i zdravlje ljudi	DA	
Definiran je način primjene i usuglašenost s ostalim propisima	DA	
Definirano je prijelazno razdoblje	DA	
<b>PROCJENA PROVEDENA SUKLADNO UREDBI</b>	DA	

URED VLADE FBiH ZA ZAKONODAVSTVO I SUKLADENOST  
SA PROPISIMA EUROPSKE UNIJE  
Željko Siladi, direktor Ureda

OVLAŠTENA OSOBA

Datum i pečat  
31-01-2022

